

南海普陀山志

重修南海普陀山志卷之十八

江蘇金陵

主鼎勲青甫參定

秦耀曾遠亭編輯

普濟寺住持能崙鴻崑校訂

詩詠

夫同泰浮圖庾肩吾旣傳佳什石壁精舍謝靈運亦
著騷章然企想祇洎不離中土至若珠林金地遙隔
龍宮廣殿長廊旁臨鯨渤乃有浮槎仙客跨煙島而
聯吟挂席詞人御風潮而搜句固知取況幽遐造懷
寥廓奉蘇韓于梵宇快睹詩豪遇韋孟于化城卽多

韻事已誌詩詠

遊洛迦山

宋

臨川

王安石

時爲
鄞令

山勢欲壓海禪宮
向此開魚龍腥不到
日月影先來
樹色秋擎出鐘聲
浪答回何期乘吏役
暫此拂塵埃

遊補陀

以下元

吳興

趙孟頫

翰林
承旨

縹緲雲飛海上山
挂帆三日上潺湲
兩宮福德齊千佛
一道恩光照百蠻
澗草巖花多瑞氣
石林水府隔塵寰
鯁生小技真榮遇
何幸凡身到此間

遊補陀

盛熙明

驚起東華塵土夢
滄州到處卽爲家
山人自種三株樹

天使長乘八月槎梅福留丹赤似橘安期送棗大于瓜
金仙對面無言說春滿幽巖小白花

夕泛海東尋梅岑山觀音洞遂登磐陀石望日出

處

吳萊

山月出天末水面生晚寒扁舟劃肪往萬頃相渺漫星
河白搖撼島與青屈盤遠應壺嶠接深已雲夢吞蟠木
繫子纔扶桑纓我冠寸心役兩目少試鯨魚竿

其二

起尋千步沙穹石塞行路怒濤所縱擊徒以頑險故卓
哉梅子真與世良不遇上書空雪衣燒藥迺煙樹元螭

時側行縞鶴一廻顧從之招善門滄海晝多霧

其三

茫茫瀛海間海岸此孤絕飛泉亂垂纓險洞森削鐵天
香固遠聞梵相俄一瞥魚龍互圍繞山鬼驚變滅舟航
來旅游鐘磬聚禪悅笑撚小白華秋潮落如雪

題昌國補陀寺

丁鶴年 高士

神鼇屹立戴崔嵬俯瞰滄溟水一杯積翠自天開罨畫
布金隨地起樓臺祈靈漢使乘槎到傳法梁僧折葦來
若使祖龍知勝槩豈應驅石訪蓬萊

其二

昆明劫火忽重然宇內名山悉變遷古刹獨存龍伯國
豐碑猶記鬼兒年三更日浴咸池水八月潮吞渤海天
雲漢靈槎如可御便應長往問羣仙

普陀大士橋

劉仁本

金碧玲瓏埴影雙綺霞香霧濕疎窗鮫人織浪爲華蓋
龍女持珠獻寶幢震海風雷音縹緲彌山潮汐嚮春撞
願求示現將軍相一鼓羣魔盡攝降

遊補陀

以下明

昌國

張

信

狀元

浮生同一夢感慨憐我情文章祇覆缶鉛槧總頑形拂
茲蘅竇下凌彼天之層和風灑雲龍清樾培佳程睠言

遊仙侶趣趾成蓬瀛

洛迦山望海

新會 陳獻章 名臣

元氣茫茫混太虛
天吳簸撼蕩坤輿
千年木石勞精衛
百谷波流會尾閭
月下明珠鮫女泣
雪中飛觀羽人居
秋風吹老珊瑚樹
不見麻姑錦字書

其二

一花初起白龍堆
萬騎長驅石壁開
碧海有山都是雪
青天無雨只聞雷
秋高鴻鵠排雲去
夜靜蛟龍出穴來
借問乘槎向何處
五雲咫尺是蓬萊

寶陀禪寺漫興

寶塢凌空十丈高，倚欄南望際鯨濤。
天花散處皆金地，海月生時見玉毫。
夜氣澄清龍在窟，秋風蕭爽鶴鳴皋。
丹梯咫尺諸天近，香霧霏霏溼翠袍。

贈補陀僧

前人

僧言海上來，會上妙高臺。
瑞相天浮月，潮音地送雷。
沙如金粟布，山似碧蓮開。
雨帶龍腥過，雷隨鶴影迴。
幽探還得寶，徑渡不須杯。
我有登臨興，南詢識善財。

補陀山

嘉興陸光祖
太宰

天抱琉璃宮，鼇柱不見底。
誰騎香象來，明月弄空水。

其二

山椒石壁寒沙岸水痕泐濤聲日夜喧禪心自空寂

其三

白馬馱經來乃在大海外誰知震旦中有此無色界

其四

寶殿低秋浪疎鐘入夜風身心無處着始悟本來空

遊補陀

鄞邑張子瑄少卿

嶙峋仙界錦城堆寶樹瓊花面面迴勢壓海門鼇背重
光搖島嶼蜃樓開層巒徧向雲間出飛瀑全疑天上來
自是修真奇絕處何須弱水問蓬萊

禮洛迦山

沈明臣

三神山遠不能尋惟有洛迦名古今萬里扶桑開四照
九天靈鷲削孤岑一枝鸚鵡多饒舌遍海蓮花不染心
謁罷潮音靈洞口皈依願發晚濤深

題補陀

萬表都督

挂席凌澎湃長風兩鬢颺俄然見宮殿出沒在波濤龍
女呈珠貝如來現玉毫直將超世界詎獨解天弢

其二

不爲名山住將因法喜探波聲搖佛座松色暗經函天
女咸悲仰童真亦屢參捨家猶畜髮長此事瞿曇

禮洛迦山

沈一貫大學士

積水中開梵帝宮孤帆遠引列仙風始知四大浮空住
別有三天護法雄肅拜聖儀明滅裏迴看人世有無中
殷雷頻吼潮音洞何處西方更發蒙

其二

近有三生紫竹緣何須十地與諸天獨騎香象開龍國
故擊靈鼙撼蜃川銀浪秋掀天影澹金輪朝發海光圓
但將一勺澄心地舉目千花盡是蓮

其三

妙應峯頭披世氛磐陀石上攬晴曛大千毫髮空中見
諸佛威音定裏聞虛唄自隨龍鬱律天香惟與鶴氤氲

三山近立祥河外盡爲金仙駐彩雲

遊寶陀寺

山陰

黃猷吉

食憲

直爲探奇過上方居狀臺殿水中央到知海岸真孤絕
遙望瀛洲亦渺茫石洞寒潮鳴梵唄竹林明月放圓光
鯨波一洗烽煙息仰見慈雲遍八荒

夢遊補陀山

餘姚

姜子羔

少卿

忽狀飛渡海之東海色澄清霄漢通借問此心何所似
白雲映水月當空

遊補陀

嘉興

馮夢正

祭酒

西教東流到補陀金蓮花發映娑羅星河歷歷黏青漢

島嶼纍纍浸白波
龍獻寶珠歸象罔
僧畱香飯與鼃鼈
我來欲發如來藏
老傍寒松學鳥窠

登補陀

皖城劉尚志副憲

欲問如來何處尋
寶輪空裏海濤深
朝看絕島開龍藏
夜聽寒潮落梵音
萬頃風雲浮碧玉
九天日月布黃金
聞州恍在藤蘿外
夢入西方不住心

題洛迦

龍德孚見前

望來鼇柱嶽無涯
海上孤懸小白華
說法臺高開寶藏
潮音洞迴湧金沙
扶桑夜沸三更日
祇樹光生五色霞
我亦有冠慚未挂
梅岑何處覓丹砂

寄題補陀

仁和宋應昌大司馬

洛迦山浸海波中大士西來彼岸通不是世人迷苦海
有教說法到天東

禮補陀大士

聊城傅光宅提學

翠壁千重盡滄溟萬里開龍宮吞日月蜃氣擁樓臺五
嶽誰飛錫三生此渡杯地疑人境外身似梵天回紫竹
藏鸚鵡青蓮見善財海神聽法至天女獻花來慧眼觀
千界潮聲振九垓皈依持半偈甘露灑塵埃

沈家門阻雨

雲海慈航一葦輕身隨大士踏空行波光東去通夷國

煙島西來擁化城
夜吼潮音千壑應
寒飛花雨四天明
塵心到此清如水
丈室吾將擬淨名

過海潮贈大智禪師

前人

寶地新開大海邊
法壇長日擁諸天
慈光會滿三千界
苦行先經六十年
五嶽煙霞孤錫迴
萬川水月一燈懸
不知再見應何日
一片心依智者禪

望補陀

上虞顧充郎中

我家世漁瀛海東
煙波滿眼青濛濛
我生夙抱探奇癖
十洲五嶽期過從
金閨一旦謬通籍
矯首滄洲思無極
憑誰寄我仙山圖
開卷神飛渺南國
秋濤灝灝秋雲賒

紫翠中浮小白華
瑤光遠映三摩地
金色平鋪千步沙
蛟宮鼇極出
鼉窟寶相珠
纓示神異慧
照孤懸震旦中
慈航飛渡閭浮際
一襟水月共澄鮮
眞歇關頭好息緣
泡影河山忽明滅
恒沙世劫幾逃禪
馬首京塵幾十丈
西風吹滿青袍上
苦海冥冥日望洋
津梁咫尺徒神往
題緘爲報大將軍
莫楸楸古散字前志
改作放字誤磯頭白鳥羣
他日浮槎指南海
相携同禮白巖雲

題洛迦

時寺徒
候濤山

濟南

李攀龍

憲使

洛迦山上占祇林
白馬西來峽口深
月出爾時樓閣影
風還如是海潮音
若非鸚鵡原能語
誰解蓮花不染心

五十三員知識盡可勞踪跡問浮沉

題補陀

盱眙

李言恭

臨淮侯

五嶽三山總浪遊法門高敞海天秋
窗前雲氣蛟龍起檻外波光島嶼浮
月映寶珠明上界星隨燈火散中流
黃塵白髮真無賴彼岸慈航何處求

寄題補陀

前爲寧郡守

同安

蔡貴易

按察使

憶昔分符日相依祇樹林天畱最勝地
佛照不溜心海日蒼崖曉蓮花碧水深
爲民遙頂禮願普恒沙金

龍女善財洞

梅魁

參將

雪膚蒼貌紫霞裾幾駕蒼虬下碧虛
踪跡尙畱青海上